

9 60 1 2 3 4 5 6 7

80

9

8

7

6

5

4

3

2

1

0



葬祭辨論
湖亭漫筆

合冊



葬祭辭綸

経誦とひきくらゆる事あつても心配しやうとす
因の由れと余の病人の想せば也固有の念佛誦と
嘗てつまきありありとしまふや余は念佛誦間もあ
りまうしてゆけり、往とまうてちやまう時既にまで
病人病のうへてかふく人死まく念佛の声耳みみ
實に一息是れのゆきゆくと半は西よりうきまく
きり声こゑがきよく作つくるありくわくかくのよれ乃
まじいふうる人外へ乞ねまこととまうん
又または病中焉まれ候まわるを蒙まつる
て法を承取うけとりまうて傳まわとんづると純じゅんの
元をすまぢ人の高たかぶりゆへり教まわすとまへ至いたるの
奥おくすりあう人の法を承取うけとり人承うけとる
と居ゐむ處ところに北きたより半生年ひめこうちのあと二声ふたこゑび
て多おほくともてぬこうちの承取うけとり下くだりにまうち
えを魂弟たまごとゆふ縁えんとまうて遇まわりやまうゆふはくはく
て父母の冥神めいじんとあづけられと執つかひにまう角つのハ
母め父ち父母承うけとるのとく念ねんめるねとくらへてある人承うけとる
事ことう説せつの通とおとばくよとくりやわ
母め父ち父母承うけとるの平ひら目めと尊そんぢりあやまうゆきどもゆき
かまうれともち義ぎはなはねねねねねね
うち人ひと父母承うけとりゆくとく
渡わたし温ぬるみの花はなと草くさの魂弟たまごとゆふはくはく
越こて本もととくらへまうり人の氏うじとハ字ひと祥よと
とく書か後の文ふみと作つくるが終まつて半生年ひめこうちのふき
根ねをえ隠隠と素す得とくくはまうれなましれぢりとてまめ代焼まめだきまうりとくらへ
る不ふれとひまうりとくらへ哀かなれ感かんく渡わたすよりがす

はうりあとども乞まき人の身やがて身ゆかへまくお
のつゝ歎歎してひよりうりうり仙後の心と仰り已
坐よしとよあらざるなり
至道よろこかうりふ死人沐浴を不斷とのみ坐のとく
候じゆ候ともとまやれとわく化といふ乗すり衣服
とをとけりゆうて。仰りの候の用意せりうりと仙
後よりは内を信仰と為まふ候くるとぞも引
てがまの後事よ形とまじ。又事子とあるくうぬ
とうくは、一と塔と利名とを教説ととく。一と經
帳とよしゆうと、身ととせり。其家の形と出でを
かへしと爲も成佛の脱ハ相とあくつひとそくかくせ
とく佛の相とうり。般陀泥とらうと思へま大幕
すとみくう向御と幽輝らりんつむた首尾ふ会
うりうぬとてつき事年へ一兩とよ宣のゆよをき
益事子を含歡樂さはまりかく、成儀がううう後事よ
ちがく死うとひく。身を盡せたば仰むと汝事よ
のまよ。わだきうるの運びとへなりうりもと汝事よ
うりうるの法事勤め。清うりかく、ハム天に眞言
生うりゆうれいをひ程今まハ神仏の尊きうくじめハ
主觀とすく。葬るる事と佛事。うづくまも圓ふ
皆のあり。故に至るの事を全仲法と區別ひすも
謂うれよ。とくううちうわ
棺と死人をやまと仰り。身と益事行ゆて永
く寐ぬべく。やまとゆきよしゆく。ゆく。棺の板
をくと厚の角すく。かうり海の丈ねは岸うえ松脂
をあくと泥宿の中の火灰とてきまく。まき板とて死
死人を漬けじよそ却う腐とふと。漬氣の力と實を
今とと慮てたのとく灰と一ときを運とめり。と死

きくよりうぢとぞもひはふ令よみえんじく城の宿
きくよるのまわりうりよあじとくめつてとゆゑえ
河の名をかく敗り功を立ててうねくうり神よ
く死な事の人とりて葬る所の地と云ふ。年々
きてまち城郭人富小すに常くねえ地と云ふ
まこと宣を度候と云ふ。葬と年をすまへて
父の形と女玉でしりうりとば地の神印於
まうきら故郷こもうきやうもうら復て下さりと
つりきこも入まゐりのやいとくも五日より四
きうりうきども又ぬまゆうりの折印とふ御
えねまうきハ根下と多く葬てとまねと深くもしだ
根のふ跡書寫すりあとこうりとくゆづとも根と
あく一又ぬと寧く葬るゆゆうりひとひゆうぐ
まうてうう思うりゆうりてほんのねうへ又毎記
ゆく後神と、うちねがう（モ又ぬと祖の御天とよ
うめく春夏秋冬の祭奠と熱心日よ、哀慕の誠と
はくても又毎祭と御天と圓満トキの命と素ゆく
生むるゆき、死してよりその依るゆく石碑前題
ゆく後神と、御天と圓満トキの命と素ゆく
隨筆と冠く、氏譜假名實名と評。松西主教村謹等五
人よひを以て、或字と書くと、主教天とよしらて
あり人自為を致の事とは、て事ゆうりする人
を致の事に根下又ぬと云ふ。不のゆうとハミツ
水晶の事と云ふ。事るはハ灵神ありて、其處に人成
致の事と云ふ。事るはハ灵神ありて、其處に人成
致の事と云ふ。事るはハ灵神ありて、其處に人成

よし内乃清とすうりはすこもんをもつてゐる
向るよりの多く神と肉と多く自為の齋食に於
うちうへいり本とてや曰もみきうとの
落の落りをも寄り神もも下落をなす
しはりゆうとおれらは人共にと
きよくも内とて酒とひよくも酒とひよ
まくらあゆ、齋食に於をもくらす
酒をもくらす、酒とひよくも酒とひよ
肉と食す内とて酒とひよくも酒とひよ
うすが、多きも人へ又毎の事と、も齋食に於を
そとソト裏よ所くちひりの内と今もよもひよ
西うとそじべく内とアシの事と熟け叶ひ前二日
酒食とそじべく内とそじべく内とそじべく内と
あれどり人をも、三日潔齋玉うと、酒食と
てえと代有、ハニヒナリとほじきするうと
かくゆよはえと酒食よりと、うもとて操作
威深く、うと酒食とそじべく内とそじべく内と
酒食とそじべく内とそじべく内とそじべく内と
うと酒食とそじべく内とそじべく内とそじべく内と
人へえふ家れとんぐアラだ

竟文七未春日

葬祭并海不參失。有年以至多也。
壬辰二年夏月。大中堂。寫于京中。

牛村直道

七

湖亭涉筆四卷。澹泊齋安積覽著。享保十二年
○元世祖召許魯齋。一聘而起。曰不如。此則道
不行。劉靜修召。不起。曰不如。此則道不尊。至今
論者紛紜不已。蓋以魯齋大儒。得道統之傳也。
然其言竊有所疑。顏子陋巷簞瓢。不改其樂。君
子何患乎。道之不行哉。孔子曰。道之將行也。其
命也與。道之將廢也。其命也與。孟子曰。枉已者。
未有能直人者也。夫行與尊。以道自任者。所當
審擇。而處與出。固士君子之大節。魯齋道大。雖
非後生晚輩所可擬議。而以世祖之時。爲天下

有道而殉之乎。抑以道殉乎人乎。二者必居其一。蓋非其招而往與不由其道而往者皆孟子之所惡。魯齋欲以孔孟之道格君心之非難矣。

哉。後之君子不幸而居革命之世。寧爲靜修而不爲魯齋。則庶乎能得出處之正矣。直道按闇齋先生有

魯齋考載垂加草損軒先生

魯齋論載自娛集皆可考

○襄三十年鄭伯有嗜酒。子晳以駟氏之甲伐而焚之。伯有奔雍梁醒而後知之。遂奔許。履中帝之爲皇太子也。住吉仲皇子舉兵襲之。太子醉而寢。左右扶掖上馬而走。仲皇子焚宮火。

通夕不滅。太子至河內墮生坂而醒。其事殆與伯有相類。唐李克用上源驛之變亦此比而非得大雨震電之助。則克用幾不能免。周公作酒誥。衛武公戒耽樂。匹夫酗酒必至喪軀。醉薈之過可不警哉。

○昭元年鄭子羽謂子皮曰。子與子家持之。杜注曰。持之言無所取與。按子羽公孫揮。子皮罕虎。子家蔡公孫歸生也。列國大夫皆譏楚公子圍。靈設服離衛而子皮子家之言無所輕重。故子羽云然。今俗謂無勝負曰持。亦此義也。

○魏王昶名其兄子曰默。曰沈。名其子曰渾。曰深。爲書戒之後皆有名。沈與裴秀爲高貴鄉公所重。謂秀爲儒林丈人。沈爲文籍先生。及帝欲討司馬昭。沈與王業奔走告昭。遂有成濟車下之變。叔父之戒。人臣之義。一無所顧。其心失身於司馬氏。而恬不知耻。文籍雖滿腹。不如一王經矣。姓氏錄曰。山田御方。魏司空王昶後也。據續日本紀。御方事。文武元明二朝。豈渾深之裔耶。

○魏大將軍司馬師三道伐吳。王昶母丘儉聞

東軍敗。各燒屯走。朝議欲貶黜諸將。師曰。我不聽公休。以至於此。此我過也。諸將何罪。悉宥之。公休。諸葛誕字也。習鑿齒論曰。司馬大將軍引敗。以爲已過。過消而業隆。可謂智也。東闕之敗。安東將軍司馬昭問僚屬曰。近日之事。誰任其咎。安東司馬王儀對曰。責在元帥。昭怒曰。司馬欲委罪孤邪。引出斬之。通鑑不載於魏紀。因書王褒事。併見晉紀。合而觀之。同時事也。師則引咎責躬。昭則逞忿濫殺。故王應麟謂昭之惡甚於師。然師之引咎。非出于誠。特欲收攬魏朝之

人心爲移鼎之漸耳。究其心術，恐師之惡更深。于昭鑿齒晉人，殆非公論。而曰業隆曰智，大有劑量。

○三國志少帝紀。嘉平五年。追封故中郎將郭脩。按脩有刺費禪之功。故魏室厚加褒飾。詔中有脩於廣坐之中。手刃擊禪。勇過聶政。功逾介子。可謂殺身成仁。釋生取義之文。裴松之以爲脩西列之男子耳。始獲于蜀。既不能抗節不辱于魏。又無食祿之責。不爲時主所使。而無故規規焉。糜身于非所。義無所加。功無所立。此論甚失詳矣。

當蓋魏室之褒贈。卽司馬氏之所爲而所以勸獎來者。以弱敵國之謀也。朱子綱目大書盜殺大將軍費禪。其義始正。又通鑑及綱目。脩訛作循。通鑑漢姜維獲中郎將郭循。下注胡三省辨之詳矣。

文昭甄皇后傳。黃初元年十月。文帝踐阼。踐阼之後。山陽公奉二女。以嬪于魏。按建安十八年。魏公操進三女憲節華於獻帝。爲貴人。中女立爲皇后。卽穆曹皇后也。至是獻帝嬪二女於魏。則獻帝之於文帝。姊妹之夫。而妻之父也。不知

於禮爲何如也。

任城王彰傳曰。太祖在長安召彰。彰自代過鄴。太子謂曰。卿新有功。今西見上。宜勿自伐。應對掌若不足者。彰到如太子言。歸功諸將。太祖喜。持彰鬚曰。黃鬚兒竟太奇也。吳質傳裴注引郭頌世語曰。魏王掌出征。世子及臨菑侯植並送路側。植稱述功德。發言有章。左右屬目。王亦悅焉。世子悵然自失。吳質耳曰。王當行流涕可也。及辭。世子泣而拜。王及左右咸歎歎。於是皆以植辭多華而誠心不及也。噫文帝之教任城善矣。

任城志氣慷慨。涿郡之戰。所向無前。卒能破走強胡。威名大振。使之矜伐武帝之前。則不幾啓嫌隙之端乎。歸功諸將。卑謙自牧。此郤伯范叔對晉侯之意。而可謂善處功名之際矣。然文帝之爲此言。亦用吳質之教。流涕而拜。應對常若不足。俱一拙也。其爲拙。巧之至也。果能拙者也哉。夫武帝之機警權畧。以巧應之。立見其敗。故反其用。而示之拙。豈爲人子之道哉。其爲任城謀也。則忠。其自爲謀也。則過。孰謂武帝之料敵如神。而反不能料其子哉。蓋大巧似拙。而明有

所蔽苟非誠心。巧拙一也。如此用拙。不如用巧。
之爲愈也。

袁紹傳。裴注引英雄記曰。是時年號初平。紹字
本初。自以爲年與字合。必能克平禍亂。後白
河朝。藤原信賴之亂。平重盛勵士卒曰。年號平
治。地曰平安。我爲平氏。此三者協吉。何憂不克。
二事正相類。而袁紹割據青冀。不顧神器。重盛
激勵將士。歎王所愾。其所設心。則大不同矣。
典韋傳。太祖討呂布於濮陽。布身自搏戰。相持
急。韋手持十餘戟。大呼起所抵。無不應手倒者。
二字良是。

按典韋臂力過人。壯武勇傑。軍中有帳下壯士
有典君。提一隻戟八十斤之語。然手持十餘戟。
則力雖能舉。不可運用。必無此理。通鑑去十餘
二字。良是。

關羽傳。裴注引江表傳曰。羽好左氏傳。諷誦畧
皆上口。夫矯之精忠神勇。至今牧豎樵童。亦知
其名。而孰謂其能讀書哉。宋史岳飛傳贊。史稱
關雲長通春秋左氏學。然未嘗見其文章。正謂
此也。劉氏鴻書載。關壯繆矯贊曰。嗚呼篡漢者
瞞也。成瞞篡者權也。瞞名漢臣也。實漢賊也。權

陽瞞敵也。陰瞞翼也。公批亢於前而不虞姦於
腋。七軍甫淹。六師隨厄。使永安之恨。不在許昌。
而在公安。建興之師。不出樊城。而出祁山。安樂
之牋。與歸命之壁。而相後先。惜哉。雖然。不下以
關。而廢兄弟。不以亂離。而廢君臣。其峙如者。山
嶽。澄如者。川流。而炳如者。日月星辰。嗚呼。此其
所以亘萬古。而猶神也耶。本書逸名氏。不知誰
作。蓋明人也。筆力雄健。能誅孫權之狡猾。而旌
侯之忠節。故附于此。時習誥御本曰此贊明人王世貞所作出于弇州四

中部稿

諸葛亮傳。裴注引漢晉春秋載。後出師表。曰。此
表亮集所無。出張儼默記。儼吳大鴻臚。作默記。
○蔡邕獨斷曰。少帝即位。太后即代攝政。羣臣
上書奏事。皆爲兩通。一詣太后。一詣少帝。蓋東
漢明德馬皇后臨朝以來。循用爲故事。晉褚太
后康獻皇后。即崇德太后。臨朝攝政。凡三以楊帝哀帝海
西公。皆幼冲即位也。日本紀神功皇后紀書。攝
政元年。卽此義也。若王莽之居攝。乃竊周公之
攝政。篡賊之事。不足道也。關白二字。自見霍光
傳。以來。往往有之。唐肅宗時。李輔國專掌禁兵。

常居內宅。宰相百司。非時奏事。皆因韓國關白。承旨。及程元振謀奪其權。韓國出居外第。上表遜位。於是罷韓國兼中書令。進爵博陸王。此又似準霍光故事。甚可怪也。韓國以閻豎竊太權。離間骨肉之親。使明皇悒鬱而崩。罪不容誅。肅宗不能正其罪。而使盜殺之前哲之論備矣。

○新唐書。竇建德傳。滑州刺史王軌爲奴所殺。奴以首奔建德。建德曰。奴殺主人大逆。不可賞。賞逆。則廢教將焉用。爲命斬奴而返軌首。滑人德之。文治中。藤原泰衡敗走。部將河田二郎斬

其首。獻源賴朝以希賞。賴朝責其不忠。執而戮之。亦有建德之風。若平羣木。免勸反正帝。誅利領巾。則上世已有此比。而可以爲萬世之法。隱太子建成傳。秦王以美田給淮安王神通。高祖從父弟。而張婕妤爲父丐之。帝手詔賜田。詔至。神已前得。不肯與。婕妤奏曰。詔賜妾父田。而王奪。與人。帝怒。召秦王讓曰。我詔令不如爾。教邪。按高祖此語絕與。後烏羽上皇寵倡龜菊責北條義時。語相似。高祖遭禁門蹀血之變。而克其終。上皇以順討逆。師出有名。而謀謨不臧。將

相非其器。一敗塗地。竟罹播遷之禍。悲夫。

○馮道之事。五代歐陽司馬二公之論。發其圖全。苟免之態。無復餘蘊。歐公引王凝妻李氏事。以論之。尤爲深切著明。而王荊公謂之純臣。羅景綸譏之。以爲悖理。傷道宜矣。通鑑後晉齊王紀載。道雖爲首相。依違兩可。無所操決。輟耕錄引。蘇氏開談錄曰。道與趙鳳同在中書。鳳有女適道中子。以飲食不中爲道夫人譴罵。趙令婢長號。知院者來訴。凡數百言。道都不答。及去。但云傳語親家翁。今日好雪。此卽依違兩可。無所

操決之意。而道之所以保身固位之術。一生受用不盡者也。朱文公論鄉原曰。鄉原人皆稱之。而不知其有無窮之禍。如馮道者。此真鄉原也。道之爲人。固不足道。雖然當後唐明宗時。道與李愚建議。板刻九經。至後周太祖時。凡涉二十二年。而板成。雖喪亂之世。能爲此舉。蓋溫公所謂。雖有小善。庸足稱者。而九經傳布。至今賴之。則隱然與有功焉。

自史漢敘樊酈滕灌絳侯曹相國之戰功。虓虎雄武之士。際會風雲之機。攻城野戰。立勲效

績者曷可勝紀。後漢段熲征羌百八十戰。燕宜都王慕容鳳祖前後大小二百五十七戰。未嘗無功。隋史萬歲征溪洞蠻。前後七百餘戰。轉鬪千餘里。唐柏良器年二十四更戰陳六十二。則又過於史漢所載。然未有如後唐李存審者。存審出於寒微。以功至宣武節度使。兼中書令。蕃漢馬步總管。常戒諸子曰。爾父少提一劍去鄉里。四十年間位極將相。其間出萬死獲一生者非一。破骨出鎚者凡百餘。因授以所出鎚。命之曰。爾曹生於膏梁。當知爾父起家如此也。出鎚日所養。故臨事發言能如是中理。然溫公此語。

百餘疑史家有夸辭。然其戰鬪之數亦可推而知矣。以之訓諸子。此漢兒之所不貴。而武人之所當戶祝者也。

○宋哲宗元祐元年。司馬溫公爲相。盡革新法。或謂溫公曰。熙豐舊臣多僥幸小人。他日有父子之義。則禍作矣。鶴林玉露云。傳欽之邵氏聞見錄云。或謂公曰。云薛方山宋元通鑑從之。云。公正色曰。天若祚宋必無此事。此溫公學力到識。見到徹頭徹尾底語。故張南軒稱其更不論。一已利害。想其平日所養。故臨事發言能如是中理。然溫公此語。

亦有所本。左傳閔元年。晉士蔥曰。天若祚太子。其無晉乎。即此語勢也。

神宗崩。溫公自洛入臨。衛士見公。皆以手加額。民遞道呼曰。公無歸洛。留相天子。活百姓。爲相八閱月。而薨。京師民罷市。葬送者如哭私親。都中四方。皆畫像以祀。飲食必祝。其在相位。遼道宗敕邊吏曰。中國相司馬矣。切毋生事。開邊隙。金完顏亮生日。熙宗賜公畫像。此一事見宋元興十八年。公之德業言行。載在史籍。茲不復論著。但以公之德澤。不特宋之士民愛戴之。夷虜亦知。

敬畏之。故別取其一二。非天下之至誠。其孰能與于斯。

○梁臨川王宏武帝弟。伐魏。自洛口逃去。百萬之師棄甲。投戈。瑱溝水陸。治承中平。維盛擊源賴朝。自富士川遁去。人馬相騰踐。器械輜重。委棄山積。雖衆寡不侔。其不戰而潰。一也。宏素懦怯。勸之使退者。呂僧珍也。昌義之怒。曰。僧珍可斬。時有蕭娘呂姥之歌。維盛初無退意。勸之者。藤原忠清也。靜海欲斬之。時有髡首衣緇之歌。何其相類也。又有尤相類者。通鑑梁元帝紀。侯子

鑒至戰鳥。胡注。杜佑曰。宣州南陵縣鵲洲有戰
鳥折。昔桓溫舉兵東下。住此折中宵鳥驚。溫謂
官軍圍之。既而定以群鳥驚噪。因名戰鳥。桓宣
武雄爽。猶以鳥驚致疑。宜維盛之潰走也。

○東魏高澄勒兵入宮。責靜帝曰。陛下何意反。
臣父子功存社稷。何負陛下邪。帝正色曰。自古
唯聞臣反君。不聞君反臣。王自欲反何乃責我。
觀之則太平記書。後醍醐天皇謀反亦非無
比例。可發一笑。而澄之悖逆可勝誅乎。

○晉謝道蘊奕之女。王凝之之妻。凝之義之之

子也。安帝義熙中。凝之爲會稽內史。孫恩反。攻
會稽。凝之世奉張天師道。不出兵。不設備。日於
道室。會稽頽跪。呴恩。指會稽。凝之出走。恩執而殺
之。道蘊聞寇至。舉措自若。令婢肩輿。抽刀出門。
手殺數人。乃被執。義烈之操。百世不磨。而世徒
稱其柳絮因風起。語與爲小郎解圍事。王獻之故稱小郎。則世之尚浮華而疏實行久矣。陳明卿以六字批通鑑曰。王無子。謝有女。褒貶之義盡矣。
○唐昭宗魏國夫人陳氏才色冠後宮。帝以賜
李克用。後克用薨。陳氏爲尼。至晉天福中。乃卒。

爲居。通鑑昭宗紀注引薛居正五代史後醍醐帝賜勾當內侍於新田義貞聞義貞殞命亦削髮爲居住嵯峨徃生院側守節而終。克用恩宋全忠而志在興復唐室義貞惡足利尊氏而志在乘輿返正二帝之賜宮人皆所以褒寵其忠純而二宮人之志操亦可嘉尚也。

○文獻通考經籍考晁氏曰白猿傳不詳何人撰述梁大同末歐陽紇妻爲猿所竊後生子詢崇文總目以爲唐人惡詢者爲之後村劉氏曰歐陽率更詢爲太率更貌寢長孫無忌嘲之曰誰令

麟閣上盡此一獮猴好事者遂造白猿之說謗及其親余嘗聞酒顛童子事好事者剽竊白猿傳而敷衍之據劉後村之說則白猿傳本無其事而好事者爲之酒顛童子亦無其事而假白猿傳以實之此何異於夢中說夢縱有之不過大江山一巨盜耳若趙王石虎太子邃則可謂真酒顛童子者也遂嗜酒殘忍好妝飾美姬斬其首洗血置盤上與賓客傳觀之又烹其肉共食之備載晉書十六國春秋及通鑑此非酒顛童子而何後唐李贊華遼太祖子東王突厥好飲人血

姬妾多刺臂以吮之。婢僕小過或抉目或刀剗火灼此二人之所爲無復人理皆酒顛童子之徒也。

○宋汴京陷陝西宣撫使詎致虛帥師入援以僧趙宗印爲參議官宗印以僧爲一軍號尊勝隊童行爲一軍號尊勝隊宗印徒太言實未掌知兵遇金將婁宿不戰而潰死者過半後醍醐帝使小野僧正文觀將兵擊足利尊氏交鋒輒敗其以童行爲一隊亦猶秦苻堅之少年都統饗庭氏直之花下揆皆取敗之道也凡爲僧

者不可干預政事而况將兵乎近世僧永覺有云僧家寄跡寰中棲身物表於一切塵氣尚當謝絕況可貪祿位乎一切大事尚不可與况可操武事乎自元時劉秉忠首開此禁繼而姚廣孝效之貪謬妄之勲名破慈悲之大化佛門中萬世之罪人也彼徒中已有覲破者矣。

○佛祖統紀天台智者傳曰南岳造金字般若命師代講手持如意臨席讚之曰可謂法付法臣法王無事續日本紀稱德紀天平神護二年詔授太政大臣道鏡禪師法王位圓興禪師法

臣位明，年始置法王宮職，南岳之語。所以獎贊智者，而道鏡之位，崩築覬覦之漸。蓋所依倣智者，而汚穢矣。宮禁則薛懷義之流也。

○楊龜山論唐亂曰。天下之變。不起於四方。而起於朝廷。譬如人之傷氣。則寒暑易侵。木之傷心。則風雨易折。故內有林甫之奸。則外必有祿山之亂。內有盧杞之姦。則外必有朱泚之叛。古來論唐禍亂者極多。龜山從道學中看出來。必要端本澄源。故其言正而不激。簡而能明。雖當一部唐鑑可也。

○報父之讐事勤而志烈者。漢有蘇不韋。唐有張瑝張琇。不韋匿于大司農廈中。鑿地旁達其仇李嵩之寢室。殺其妾并小兒。嵩大懼。以板籍地。一夕九徙。又掘嵩父冢。斷其頭。標之于市。嵩求捕不獲。憤恚嘔血死。夫殺婦女。斷死人頭。此本邦士風之所耻。而彼與此風氣不同。不韋雖不得殺嵩。而以此患死。則與乎刃同科。孝子之志得伸。而段頰以私怨殺不韋。朝廷紀綱不肅。司隸擅殺無辜。冤矣哉。瑝兄弟以驛年。手殺其仇楊萬頃。於都城繫表於斧。言父冤狀。爲有

司所得。張九齡欲矜宥之。裴耀卿李林甫不可。
玄宗從其議。殺二子。士民憐之。爲作哀誄。榜於
衢路。市人歛錢葬之。則人心不服。二子之受刑
可見矣。胡致堂深以裴李之言爲非。以爲但以下
非司寇而擅殺當之。仍矜其志。則免死而流放。
之可爾。不韋。皇琇皆死於非命。何孝子之不幸
耶。若曾我祐成時致之。則又非此曹之比。故鷺峰
先生論之曰。祐成時致復讐。雖皇琇不可過焉。
壯哉孝哉。所謂匹夫不可奪志。誠哉。

○光武問郭伋以得失。對曰。選補衆職當簡天

下。賢俊不宜專用南陽人。是時在位多鄉曲故
舊。故伋言及之。帝會羣臣。問誰可傳太子者。明
羣臣承望上意。皆言太子舅執金吾陰識可。博
士張佚正色曰。今陛下立太子爲陰氏乎。爲天
下乎。卽爲陰氏。則陰侯可爲天下。則固宜用天
下之賢才。帝稱善。佚語與伋意同。皆公正之言
也。

○馬伏波功名事業。備載范書。每觀馬革裹尸
老。當益壯等語。意其雄爽豁達。忽畧世事。專以
韜畧爲務。而細心遠慮。步步皆踐實地。少時因

牧龍漢間。牛羊蕃息。儲峙豐足。其起手處。便與空談經濟者不同。及征交趾。千里還書。戒兄子嚴敦載。在小學。可以警世。其餘料。王盤父子之禍敗。明如蓍龜。建武中禁綱尚疏。諸王皆在京師。競脩名譽。招游士。伏波謂司馬呂种曰。國家諸子竝壯。而舊防未立。多通賓客。則大獄起矣。未幾。沛王輔光武坐事繫獄。因詔郡縣收捕。諸王賓客更相牽引。死者以千數。呂种亦與其禍。臨命歎曰。馬將軍誠神人也。凡此數事。雖不足以盡其平生。亦可以見核實老練處。真正英雄。當於此中求之。

○明方正學過嚴灘詩曰。敬賢當遠色。治國先齊家。如何廢郭氏。寵此陰麗華。糟糠之妻尚如此。貧賤之交可知矣。嚴陵老子早見幾。故向桐江釣煙水。宋景濂蒼雲軒銘序曰。人之志意材量。明者能燭之。於事爲之先。子陵光武少相友善。使光武能任人。可爲盡力。子陵何所苦而不不出。既出而決去哉。蓋光武察察自用。其後宰輔不以禮退。子陵預知其如此。故決然避去。而不疑。以全故舊之義。此子陵所以爲高也。苟徒以

隱爲高孰不可爲子陵哉。按正學師景濂極尊重之。想其講論之際。或有及之者。景濂歸宰輔。上正學歸陰后。上其義一也。子陵心事未必如此。皆後世臆度之言。然使子陵聞之。亦當首肯也。

○通鑑漢安帝紀。永初三年三公以國用未足奏。令吏民入錢穀。得爲關內侯。虎賁羽林郎。五官大夫。官府吏。緹騎。營士。各有差。亡友栗伯立曰。靈帝開西邸。賣官作俑於此。而綱目書法發明。皆無所論著。今考文信如其言。若文帝令民。

入粟拜爵。則爲勸農桑寬租稅。而非此之謂也。○宋太祖太宗授受之際。斧聲燭影之事。疑以傳。疑程篁墩破之。以爲李燾刪潤。湘山野錄而啓之。陳涒附會。涑水紀聞而成之。辨駁精覈。無復餘蘊。至南渡後。孝宗以普安郡王爲高宗所養。遂得紹太祖之緒。而孝宗乃太祖八世孫也。天武帝背天智帝之盟。而虐取大友帝之天下。傳祚數世。至孝謙帝而天武之統絕矣。光仁帝以諸王登極。方得復天智之統。自此天智至光仁。實十一世矣。高宗以社稷。

太計養宗室爲子。孝謙猜忌不置儲副大臣定策推戴。光仁事雖不同而其得纂先世之不緒則一也。蓋天智中興良主三善清行稱文爲中宗以配太祖神武天皇見清行意使見封事之絕而無亂則爲善者沮矣。天定亦能勝人其理固不爽矣。

○據唐書百官志。中書門下平章事始於李靖。同中書門下平章事入銜始於郭待舉岑長倩等。蓋取諸堯典平章百姓之語。續日本後紀敘參議和氣真綱履歷曰爵止於從四位官登於

平章事此可以備參議稱平章事之例。

○通鑑晉安帝紀王廩以母喪居吳王恭之討王國寶也。版廩行吳國內史使起兵於東方。胡注以白版授官非朝命也。宋孝武紀豫州刺史魯爽板南郡王義宣武帝等明帝紀建武將軍吳喜板徐崇之領縣事皆此也。胡注又云晉宋之制藩方權宜授官者謂之板授今按版板相同。又轉作判源親房卿所謂儕仗將軍判授之官蓋此義也。

○宋竟陵王誕文帝子舉兵敗死孝武改姓留

氏齊巴東王子響。武帝方命被誅。武帝易姓。蛸氏劉留蕭蛸皆取音近以貶之也。唐則天后之爲昭儀也。毅王皇后蕭淑妃改王氏姓爲蟠氏。蕭氏爲梟氏亦取其音相近。誣以兇惡也。續日本紀天平寶字元年。橘奈良麻呂獄起。皇太子道祖王以下。文致株連多被冤酷。道祖王改名麻度比。黃文王改名多夫禮。賀茂角足改姓乃呂志。亦此比也。

○元史趙璧傳。憲宗卽位召璧問曰。天下何如而治。對曰。請先誅近侍之尤不善者。憲宗不悅。

璧退。世祖時爲親王。曰。柰才汝渾身是膽耶。吾亦爲汝握兩手汗也。觀之則世俗所謂兩手握手者。亦非無所本也。

○馬永卿。嬾真子。引唐處士劉玄平。本書逸鑑。補稱霍王元軌。太宗之言。以證將無同之義。謂有同則有異。今初無同。何況於異乎。明記景文弔方正學墓。詩有云。憶昔方正學。將無同肝腸。上有夷齊叩馬諫句。此言正學與夷齊無異。則其義可見矣。日本紀用明紀。廄戶皇子束髮於額。而隨軍後。自忖度曰。將無見敗。非願難成。

將無見敗。卽言敗也。舍人親王用將無字亦猶阮瞻語意也。

○史記吳王濞傳。舐糠及米。漢書舐作痏。注師古曰痏古訛字。用舌食也。按舐與痏同。故索隱直以痏字解之。續日本紀光仁紀。皇太子令旨。天皇道鏡法師竊挾舐糠之心。爲日久矣。此用史記語也。

○通鑑宋明帝紀。上虞令王昇謂嶧山民曰。可作首辭。當相爲申上。此申理上聞之義也。唐昭宗紀。王宗侃以狀白王建。七事建得之大喜。卽

行之。悉如所申。此與今世書牘所用申字之義無異。

○文德實錄諸衛府獻剛卯杖。往往書歟杖說文歟改太剛卯以逐鬼魅。漢書王莽傳注。服虔曰。剛卯以正月卯日作。其制詳見輟耕錄。按皇朝卯杖之儀。昉於持統帝三年。蓋倣剛卯之制也。歟字以改爲正。正字通改字下辨之詳矣。○光仁天皇寶龜六年八月。始設蓮葉宴。仁明天皇承和元年九月。曲宴清涼殿。謂之芳宜華謙。十一年八月。御紫宸殿。有芳宜花宴。載于

續日本紀續日本後紀。而蓮葉宴無復所見。芳
宜卽萩倭名抄所謂鹿鳴草。而農政全書所載
胡枝子近之。

○皇朝詔敕多用納隍字續日本紀聖武紀求
农忘寢思切納隍光仁紀風化未洽恒深納隍
之懷其餘屢見若已推而納之溝中之義也班
孟堅東京賦人或不得其所若已納之於隍蓋
詞臣祖之也。

○北史魏彭城王勰獻文子傳孝文令勰爲露布。
及就尤類帝文有人見者咸謂御筆此非筆畫

而言體裁之似也。宋景濂題宋孝宗史丞相
王浩內批曰凡有旨從內出者曰內批又謂之御
筆皆內夫人代書而所謂御寶批者或上批或
內夫人批皆識之以御寶唯親筆則上親書押
字而不_レ用寶此批不用寶而有押字正所謂親
筆者也觀之則御筆親筆自有分別押字昉於
唐韋陟而世俗貴之過於印章其義亦自可見
矣。

○文選潘安仁射雉賦靡聞而驚無見自鷺注
鷺音脉翰曰鷺猶疑也爰曰鷺亦從脉方言曰

脉俗謂黠爲鬼脉。言雉性驚鬼黠。三代實錄伴善男生而爽俊。天資鬼脉見之者皆曰黠兒。蓋據安仁賦也。

○張衡西京賦。武庫禁兵設在蘭錡。注銳曰。蘭錡兵架也。陳列於甲冑之門。若今戟門。善曰。受他兵曰蘭。受弩曰錡。三代實錄藤原氏宗辭大將表兼寵蘭錡之上。志力那堪。蘭錡謂此也。

○漢書揚雄傳。以罔爲周法。注李奇曰。法。遮禽獸圍陣也。音祛。續日本紀聖武紀。造法捕禽獸者。先朝禁斷。蓋據雄傳也。

○三代實錄清和紀。叙右大臣藤原良相履歷。曰。仁明天皇前練五石。試觀近侍先掌。欲知精麤。黃門數輩。嬪無飲服之者。大臣輒掌之。正字通。通作億。億兩舉切。心不欲爲也。

○續日本後紀鑄新錢承和昌寶詔曰。蝸影栖緝彰於舊術。正字通蝸牛劬切。注見蚨下。蚨水蟲似小蟬而長。青金色。一名蠍蝸。乃知蝸卽爲蚨。故詔文下有云。子去母隨。適時開務。恩竺也。又曰。確請竺苦。見於詞章。韻會竺厚也。

篤字注云。說文徐云。本作竺。詩篤公劉論語行
篤敬之類皆當作竺。假借作篤字也。

○續日本紀元正紀。蝦夷須賀君古麻比留等
言。先祖以來。貢獻昆布。常採北地。唐書渤海傳。
大曆中渤海王大欽茂以日本舞女十二獻諸
朝。俗所貴者。大白山之菟。南海之昆布。按渤海
之南海。卽我邦之北海。昆布之見于史傳久
矣。

○貝原損軒大和本草書茶原始曰。茶子傳于
本邦。蓋在中古時。源順和名抄載茶茗。朝野羣

載藤原敦光茶贊。海人藻芥云。葉上僧正千光
國師榮入宋時。再傳種子於梅尾。明慧上人既云。再
傳則非始得者。損軒博洽之士考據精確。然猶
有遺者。類聚國史弘仁六年六月壬寅令畿內
及近江丹波播磨等國植茶。每年獻之。則自
嵯峨朝已有之矣。

○宋元通鑑靖康之亂。粘沒喝至汴京城下。雨
雪交作。欽宗被甲登城以御膳賜士卒。易火飯
以進。人皆感涕。火飯卽此所謂燒飯。乃知兵士
充餐也。偶記亡友佐宗淳嘗談。朝鮮之役。加藤

清兵衛加藤清正正督修築在機張

守蔚山明將李如梅來攻城兵發銃甚急時肥後一僧在城中倉卒間使之裝火藥兩手盡黑飢不暇食城兵以火飯置掌上僧輒啖之黑處隨團飯脫去痕迹瞭然宗淳少年時親聞僧語如此城兵拒守之急亦可想見矣

○續日本紀養老六年七月勸課天下種樹晚禾蕎麥其餘類聚三代格所載課督播殖用濟農食不減大小二麥宋史禮志秋季嘗豆嘗蕎麥景祐中禮官議薦新舊有林檎蕎麥諸與

之類及季秋嘗酒並合刪去一种放傳放山居草舍五六區啖野蔬蕎麥觀之則宋時蕎麥之用通於尊卑矣

○懷風藻載大津皇子臨刑詩曰金烏臨西舍鼓聲催短命泉路無賓主此夕誰家向當時言詩肪於大友帝而同時有大津皇子日本紀稱其自幼好學博覽屬文而輒謀不軌不能充其才惜哉石倉詩選曹學佺字能始號石倉引明興雜記曰太祖誅藍玉籍其家凡有隻字往來皆得罪孫蕡字仲衍號西庵因與玉題一畫故敘之其絕命詩

曰。鼉鼓三聲急。西山日又斜。黃泉無客舍。今夜宿誰家。方詩意悽惻絕。與皇子之詩相似。今按朱鳥元年皇子賜死。與唐中宗嗣聖三年相值。據獻徵錄。賈死在洪武二十年。嗣聖三年至洪武二十年。相距七百餘年。明人未必見懷風藻。縱見之。未必蹈襲事之偶合。乃有如此者。

○王廷相芳樹詩。芳樹不相惜。與藤相萦繫歲久。藤枝繁。見藤不見樹。俞安期鍾藤謠。鍾藤纏樹枝。樹枯藤作樹。隣婦媚私郎。歲久翻作私郎。婦二首一意。而安期比况尤深。推而可喻。姦雄

之篡奪。蓋能得謠體者也。

○性靈集後夜聞佛法僧鳥詩曰。寒林獨坐草堂。曉三寶之聲。聞一下鳥。一下鳥有聲。人有心。心聲雲水俱了了。惺窩先生以爲集中第一。羅山先生謂唐顧況詩。棟霞寺裏子規鳥。口中血出啼不了。山僧後夜初入定。聞似不聞山月曉。其體相似。韻亦偶同。山背國宇縣醍醐山。有佛法僧鳥。見羅山隨筆。按日本紀略延喜六年八月。右大臣源光修法華八講。佛法僧鳥來鳴。此外不多見。近世釋元政詩。亦用其韻。曰。梵音嘹亮。頻迦

鳥。如是找聞便明了。翻來奈何。舉似人。月入破窓林寺曉。蓋有意效之者。而弘法詩渾厚天成。不可以色相求。元政詩雖相去甚遠。亦脫灑可喜。

○覺自十三歲春。師事文恭。不限歲月。而至十五歲春。病痘還鄉。遂不復侍函丈。執弟子職。不滿三年。而歛枕簟備灑掃。日夜供給。僅受孝經小學大學論語句讀。爲學之方。作文之法。一無所聞。還鄉之後。玩歲曷日。放浪自恣。今犬馬之齒將頽。而學業不成。其所存者。稍辨華音。一事。

由其課程嚴峻。晨讀夕誦。故至今不忘耳。當時及門者。相繼淪謝。而覺獨存。皓首黃髮。淺陋不異童稚。時其叅門人之名。不亦可羞之甚乎。往年蒙命。與今井弘濟編次文集。撰述行實。亦頗詳矣。追憶宿昔。文恭自持嚴毅。接人和愉。與客談論。間及俚諺嘲笑之事。其餘當時所見聞。雖不足書之簡冊。而又恐一旦溘先朝露。子孫不能知之。故不論雅俗。隨所記憶。漫筆于此。若講學論文之言。則備於先輩安東省庵所纂心喪集語中矣。

○文恭朝望必望拜。黎明門第子掃堂設几。展
禮備香燭。文恭披道服戴包玉巾東向而拜。口
誦細語食頃竟不知其爲何等語。蓋文集所載
庚寅年永曆陷難告天文等類也。作書牘不立
稿或楷或草揮筆輒成作大文字則立稿文成
而經行室中殆數十返朗誦其文有不允愜者。
復座改之蓋音節響亮抑揚頓挫之謂而門人
輩皆不能曉也。

○文恭喜賓客不擇貴賤非有疾病事故未嘗
不應接饗客隨家有無必竭其誠容有問起居

憚其勞勸不見而去者意不憚曰辭客在主人
容何辭主人若鉅儒碩士來訪論道談文則自
日午至夜半覺等惟思困睡而文恭未嘗厭倦
也不能飲酒而喜客飲時或對棋棋不甚高藏
書甚少其自崎港帶來者不過兩簏而多闕失
完全者亦少好看陸宣公奏議資治通鑑及來
武江方購得京師所錄通鑑綱目至作文字出
入經史上下古今娓娓數千言皆其腹中所蓄
也。

○五十川剛伯問光棍老棍等義文恭對曰荅

猾詭詐。意在誑騙欺人。不循道理。不懼笑耻者。
謂之光棍。積年狡黠。油嘴騙舌者。謂之老棍。聚
詐錢財者。謂之姦棍。姦猾之尤者。謂之精光棍。
無籍亡命。謂之無皮老棍。又曰沒皮光棍。光棍
者言不可捉摸也。

○文恭酷愛櫻花。庭植數十株。每花開賞之。謂
覺等曰。使中國有之。當冠百花。迺知或者認為
海棠可謂櫻花之厄。義公環植櫻樹於祠堂
旁側。存遺愛也。

○竹洞野友元示文恭詩云。在安南旅寓所賦。

蓋自崎港所傳也。今錄于此。治劇從容緩策。街
鈴軒無事日清談。隼旟晝較明千里。紙帳繩牀
自一庵。金奏屢陳容容和玉山不動看賓酣。我
來邂逅逢新政。忘却漂流身在南。其工拙非所
敢知。真滄海之遺珠也。寬文己酉之秋。義公
張宴環景樓泛舟淺草川。野傳唱聯句。文恭續
之曰。山歛螺黛遠。高閣徹晴空。山指筑波山。閣
指大悲閣。覺時童行侍側。平生所見止此二句。

時文政己丑冬十二月十三日於重見山中
少許抄錄之

中村直衡

